



8. august 2024

UKA2024/94

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara.

**Meeqqat 18-inik ukioqalernissami tungaanut pisortat ingerlataannik angalatitsiviit aqqutigalugit angalasussaattillutik meeqqatut akeqalernisssaat, aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq meeqqat akikinnermik angalasarnerannut malittarisassat allangortinnissaannik tunngaviliissaaq, kingusinnerpaammilu UPA2025-mi inatsisartunut saqqummiunneqassalluni.**

(Inatsisartunut ilaasortaq Jens NapâtôK, Naleraq)

## **Tunngavilersuut:**

Nunatsinni angalaninarneq akisoorujussuusoq tamaavitta ilisimavarput. Air Greenland aammalu Arctic Umiq Line nunatta tamakkiisumik pigivaat, taamaattumik Naleqqamiit akuerisinnaangilluinnarparput Naalakkersuisut akinik taamak amiilaarnartigisunik akuersaaginnartut.

Nunatsinni isertitakittut inuuniarnermikkullu ilungersortut amerlaqaat. Air Greenland ukiut tamaasa millioninik taamannanik sinneqartoortuortoq nuannaarutigineqartuortoq, soorlu ukioq kingulleq 83,4 mio. Kr-inik sinneqartoortut<sup>1</sup> Naleqqamiit isiginngitsuusaaginnarsinnaangilarput.

Meeqqanut Inuusuttunullu Naalakkersuisoqarpugut, Meeqqat oqaaseqartartoqarpugut sorpassuartigullu meeqqanut atugassaritisaasunut pitsanngorsaasussanik sulisoqarpoq, taamaattumik Naleqqamiit pisisissamisoorsorivarput, sualummik angalaniarneq taamak akisoreertigisoq meeqqat 18-liinissami tungaanut meeqqatut akeqalernisnaanik Naalakkersuisut misissuissasut.

## **Pisortanut aningaasatigut allaffissornikkullu kingunerisassai:**

Misissuineq AC-fuldmægtigip ukumut akissarsiassaasa affaanik naleqassaaq, tassa 250.000 kr.

## **Namminersortunut aningaasaatigut allaffissornikkullu kingunerisassai:**

Qanorluunniit namminersortunut aningaasatigut iluaqutaassaaq, billetsimmi akikillisussaammata.

---

<sup>1</sup> <https://kl.sermitiaq.ag/inuusuttissarsiutit/naatsorsuutigisamit-air-greenland-sinneqartoorteqarnerunngilaq/2083610>



# Naleraq

**Innuttaasunut aningaasatigut allaffissornikkullu kingunerisassai:**

Innuttaasunut iluaqutaasussamik sunniuteqassaaq, angalasinnaasummi amerlissussaammata.